

Bòrd MG ALBA

16/6/22

MG ALBA Board Room/Teams

Dreach geàrr-chunntas

Bòrd: Ailean Dòmhnallach; Marion Nic na Ceàrdaich; Ceit Anna NicLeòid; Calum MacLeòid; Iain Mac a' Mhaoilein; Lisa Annette; Màiri Kidd; Rhoda NicDhòmhnail

Luchd-obrach: Dòmhnall Caimbeul [DC] (Àrd-Oifigear)
Iseabail Nic an t-Sagairt [IMT] (Stiùiriche Ro-innleachd is Co-bhanntachdan)
Ealasaid Dhòmhnallach [ED] (Stiùiriche Ro-innleachd & Chùisean Taoibh A-Muigh)
Mairead Chamshron [MC] (Deasaiche Coimiseanaidh & Ceannard Co-bhanntachdan Cruthachail) - *airson puingean 13-16*
Donaidh Dòmhnallach [DD] (Manaidsear Gnìomhachais)
Sarah NicDhòmhnail [SMC] (Cunntasair)
Emma NicLeòid (a' sgrìobhadh geàrr-chunntas)
Nevil Lee (airson puing 9)

Chuir an Cathraiche fàilte air gu robh buill a' bhùird cruinn còmhla. Chaidh meal-a-naidheachd a chuir air na sgiobaidhean airson an cuid obrach rè na h-ùine sin agus airson nan duaisean a chaidh a ghleidheil. Chaidh taing a bhuileachadh air buill a' Bhùird cuideachd airson an cuid misneachd agus taic aig àm a bha gu math dùbhlach.

1. Leisgeulan

1.1 Cha robh gin.

2. Gnothach dearbhte

2.1 Cha robh gin.

3. Geàrr-chunntas na coinneimh mu dheireadh

a) 9/3/22 – aontaichte.

b) 24/3/22 (An Clò Mòr) – aontaichte.

c) **Co-dhùnadh:** an dèidh do bhuill fainear a ghabhail do gheàrr-chunntasan nan coinneamhan mu dheireadh agus do bhuill fainear a thoirt do na gnothaichean ag èirigh, dh'aontaich am Bòrd ris a' gheàrr-chunntas agus chomharraich am Bòrd na gnothaichean ag èirigh.

- d) **Gnìomh:** feumaidh buill a' bhùird smaoineachadh air na rudan a bhios agus nach biodh math mu dheidhinn bòrd aonadach. Thèid an ath choinneimh a ghluasad bhon t-Sultain chun Dàmhair.

4. Comataidh Sgrùdaidh & Dearbhaidh

- 4.1 Chaidh innse le Cathraiche na Comataidh gur e an rud as motha a thàinig a-mach às a' choinneamh gur e ciamar a nì iad tomhas air adhartas ann an dòigh nas fheàrr.
- 4.2 Tha obair fhathast ri dhèanamh air a' chiad loidhne dìon ann an co-theacsa Frèama-obrach Dearbhaidh le dùil gun deigheadh adhartas a dhèanamh air an sin ron ath choinneamh Comataidh.
- 4.3 Bha a' Chomataidh air aithneachadh gu feumar a bhith soilleir le cò tha a' dèanamh cosgais agus cò tha a' dèanamh sgrùdadh, agus gum biodh na Riaghailtean Ionmhasail gan atharrachadh.
- 4.4 Chaidh bruidhinn air fèin-measadh na Comataidh agus mar a dh'fhaodadh sin a leasachadh.
- 4.5 An dèidh do bhuill fainear a ghabhail de na puingeann a bha fo dheasbad aig a' Chomataidh, chomharraich am Bòrd gun do ghabh iad fainear den gheàrr-chunntas.

5. Comataidh a' Chathraiche

- 5.1 An dèidh do bhuill fainear a ghabhail de na puingeann a bha fo dheasbad aig a' Chomataidh, chomharraich am Bòrd gun do ghabh iad fainear den gheàrr-chunntas.
- 5.2 Chaidh innse nach robh Ofcom air tòiseachadh air pròiseas airson Cathraiche ùr fhathast. Bhiodh iomadachd agus eòlas riaghlachais an lùib an dùil tron phròiseas. Bhathas a' moladh gu faodadh Ofcom bruidhinn ris a' Bhòrd fhèin nam biodh sin gu feum.
- 5.4 Bha buill a' bhùird riarachta le Amasan an Aird-Oifigear.
- 5.5 Chaidh còmhradh a chumail gu prìobhaideach leis an Àrd-Oifigear gus cluinntinn mun naidheachd gum biodh an Stiùiriche Susbaint gu bhith a' gluasad gu obair eile.

6 Clàr Riosgan

- 6.1 Bha pàipear agus Clàr nan Riosgan air beulaibh bhall agus chaidh deasbad coileanta a chumail. Chaidh bruidhinn mun mholadh aig a' Chomataidh Sgrùdaidh is Dearbhaidh gum bu chòir dhan Chomataidh a bhith a' dèanamh moladh air gnìomh air na trì riosgan as motha.
- 6.2 An dèidh do bhuill fainear a ghabhail do na puingeann a thog a' Chomataidh Sgrùdaidh is Dearbhaidh mun Chlàr Riosgan, agus an dèidh do bhuill deasbad a chumail agus ceistean a thogail mu phrìomh riosgan na buidhne, dhearbhaich am Bòrd gu robh iad riarachta gu robh na riosgan a bha fa chomhair na buidhne aithnichte gu h-ìomchaidh agus, chun na h-ìre a tha comasach, air an lùghdachadh le gnìomh no le leasachadh.

- 6.3 Aig an aon àm bha buill aontaichte gu robh feum air coimhead ri miann riosg a’ Bhùird an toiseachd le buidheann/neach bhon taobh a-muigh agus an uair sin gu robh feum air coimhead ri Clàr nan Riosgan a dh’fhaicinn robh na riosgan ceart air an ainmeachadh.
- 6.4 **Gnìomh:** 1) thèid seisean miann riosg a’ bhùird a chuir dòigh ann an co-chomhairle leis a’ Chomataidh Sgrùdaidh & Dearbhaidh; agus 2) thèid fairear a thoirt do phuingean a chaidh an togail mu structar a’ chlàr riosgan – tha obair a dhith air ciamar a bhios an clàr seo ro-ghnìomhach (proactive) agus dè tha an Clàr Riosgan a’ ciallachadh. (**Gnìomh: MAMI**)

7. Dèanadas & KPIs

- 7.1 Bha pàipear air beulaibh bhall a’ toirt sealladh don Bhòrd air na nithean a tha air aire an Àrd-Oifigear agus an Sgioba Àrd-Stiùiridh an-dràsta; coileantachd amasan (KPIs) MG ALBA a’ Phlana Obrachaidh bliadhna; agus coileantachd bhuidseatan mu choinneimh a’ Phlana Obrachaidh bhliadhna agus chaidh deasbad a chumail.
- 7.2 Chaidh innse gu bheil adhartas agus soillearachadh a’ tighinn ann an còmhraidhean le luchd-ùidh.
- 7.3 Chaidh còmhradh a chumail mu shuidheachadh airgid na buidhne. Chaidh innse gu bheil seo fo sgrùdadh mionaideach làitheil agus gu bheil Riaghaltas na h-Alba air an cumail fiosraichte agus gu bheil iad dòigheil leis an argamaid a thaobh carson a tha cùisean mar a tha iad agus gu bheileas ag obair gus a làimhseachadh.
- 7.4 Bha a’ chùis a’ sealltainn cho cudromach ‘s a tha e coimhead ri miann ro-innleachd riosg na buidhne airson, am measg eile, companaidhean riochdachaidh.
- 7.5 Chaidh meal-a-naidheachd a chuir air duaisean Fèis nam Meadhanan Ceilteach.
- 7.6 Chaidh innse gun deach FilmG a-mach gu tagradh, agus fhuair companaidh ùr Astar Media an cùmhnant agus gun d’ fhuair Càrn oifigear ùr.
- 7.7 Chaidh innse nach biodh Cuairt Coimiseanaidh Samhraidh comasach mura h-atharrachadh an t-airgead, agus chur sin dragh air buill. Chaidh deasbad a chumail.
- 7.8 **Gnìomhan:** thèid barrachd fios gu buill mu dheidhinn roghainneadh a dh’fhaodadh a bhith ann airson Cuairt Coimiseanaidh a cheadachadh. (**Gnìomh: IMT**)

8. Planadh 2023 gu 2026

- 8.1 Chaidh còmhradh coileanta a chumail mun phàipear a bha air beulaibh bhall, le aithne gu rachadh tilleadh thuige aig an ath choinneamh agus a-rithist san Dùbhlachd.
- 8.2 Chaidh deasbad a chumail mu ro-innleachdan mhaoineachadh eadar-dhealaichte (me, calpa, “place-based” msa), a’ toirt a-steach co-obrachadh le craoladairean agus buidhnean eile. Sa cho-theacsa sin, bha beachd ann gum biodh e gu buannachd MG ALBA sinn fhìn aithneachadh

mar “dhachaidh eadar-nàiseanta airson meadhanan na h-Alba”, gus gluasad-inntinn a dhèanamh air mar a bha maoinèadairean gar faicinn.

- 8.3 Chaidh innse gu bheil Riaghaltas na h-Alba a’ bruidhinn mu dheidhinn *Cultural Diplomacy Strategy*, agus gu faodadh na meadhanan Gàidhlig a bhith mar phàirt.
- 8.4 Bha còmhraidhean ann mu dheidhinn an fheum airson *cross-promotion* leis a’ BhBC. Agus gu robh barrachd putadh a dhith airson an iPlayer.
- 8.5 Chaidh innse gum bi SpeakGaelic air TikTok a dh’aithghearr. Bha ceist air a thogail gum bu chòir SpeakGaelic a bhith air seanailean eile cuideachd.
- 8.6 Chaidh innse gu bheil coinneamhan cudromach a’ tighinn suas agus bidh fios às ùr aig an ath choinneamh bùird.
- 8.7 Comharraich buill gu robh ùidh aca san ro-innleachd mhargaidheachd a thaobh BBC ALBA.

9. **Cunntasan Reachdail gu 31/3/22 agus Sgrùdadh bhon Taobh a-muigh**

- 9.1 Bha pàipear air beulaibh bhall a’ mìneachadh fiosrachadh air cunntasan reachdail agus sgrùdadh bhon Taobh a-muigh.
- 9.2 Chaidh innse gu robh an obair a rinn an sgioba ri mholadh oir bha an Aithisg Sgrùdaidh againn math is glan. Bha beagan mholaidhean ann air mar a bu chòir adhartas a dhèanamh ach san fharsaingeachd bha deagh aithisg ann.
- 9.3 Chaidh innse gun robh àrdachadh ann an so-mhaoin làithreach ri linn barrachd phrògraman.
- 9.4 **Co-dhùnadh**: bha buill riarachtaiche le na cunntasan.

10. **Aithisg Bliadhnaile gu 31/3/22**

- 10.1 Bha buill riarachtaiche. Chaidh meal-a-naidheachd a chuir air an sgioba air fad airson an obair mhòr a rinn iad fo stiùir an Àrd-Oifigeir.

11. **GISBE**

- 11.1 Cha robh gin.

12. **Deit na h-ath choinneimh – 5 agus 6/10/22 – Glaschu**

Ainm sgrìobhte a’ chathraiche:

Deit: